

廢弛之弊猛過則急而傷民官吏有避法苟免之患術雖不
同其蠹政害民一也自熙寧以來朝廷以法度整齊四方諸
路監司不能深明朝廷之意往往務為慘核刻深之政郡縣
望風畏慄大抵以趣辦為事類文具而無實不暇長計遠慮
以便民為意而四方之民有憔悴愁歎之音此傷猛過急之
弊也自 陛下臨御數下德音務從寬大四方欣然仰戴德
澤然比聞諸道監司又不能明 陛下之美意妄意朝廷風
旨一切以苟簡縱弛為事疲悞汗庸之吏視而不効紛糾紊
繆之政知而不察外求寬厚之名以要譽於一時此矯枉過
寬士大夫守義不篤之患也方 陛下講修百度以差役之
法行於四方尤在郡縣夙夜悉心以推行朝廷愛民之政若

不舉委成於胥吏太守玩而不察監司視而不糾養成
偷墮苟簡之風天下之民必有受其弊者矣臣願詔四方以
寬不縱惡恩不傷惠之意若郡縣之吏庸惰不職監司太守
不加糾劾如朝廷遣使廉訪 頗有其實或風聞於上當
顯責以厲遠近庶幾按察之吏不敢寬縱郡縣之吏不敢偷
惰人人警懼修職宣布 陛下之德澤以惠黎庶 元祐元年
十一月上時為監察御史

上 哲宗論聖人處晦而觀明處靜而觀動

蘇軾

臣聞天下治亂出於下情之通塞至治之極至於小民皆能
自通大亂之極至於近臣不能自達故易曰天地交泰其詞

曰上下交而其志同又曰夫地不交否其詞曰上下不交而天下無邦夫無邦者亡國之謂也上下不交則雖有朝廷君臣而亡國之形已具矣可不畏哉臣不敢復引衰世昏塗之事只如唐明皇中與荆措之君也而天寶之末小人在位下情不通則鮮于仲通以二十萬人全軍陷沒於瀘南明皇不知馴致其事至安祿山反兵已過河而明皇猶以為忠臣此無他下情不通耳目壅蔽則其弊必重此也臣在經筵數論此事 陛下為政九年除執政臺諫外未嘗與群臣接然天下不以為非者以謂垂簾之際不得不爾也今者祥除之後聽政之初當以通下情除壅蔽為急務臣雖不肖蒙 陛下擢為河北西路安撫使沿邊重地此為首冠臣當悉心論奏 陛下亦當垂意

聽納 祖宗之法邊帥當上如面辭而陛下獨以委任闕官速接人眾為詞降旨拒臣矣今上殿此何義也臣若伺候上殿不過更留十日不在闕官自有轉運使權攝無所闕事迎接人眾不過更支十日糧有何不可而使聽政之初將帥不得一而天顏而去有識之士皆謂 陛下厭聞人言意輕邊事其兆見於此矣臣備位講讀日侍帷幄前後五年可謂親近方當戾邊不得一見而行况踈遠小臣欲求自通亦難矣易曰天行健君子以自彊不息又曰帝出乎震相見乎離夫聖人作而萬物覩今 陛下聽政之初不行乘乾出震見離之道廢祖宗臨遣將帥故事而襲行垂簾不得已之政此朝廷有識所以驚疑而憂慮也臣不得上殿於臣之私別無利害而於

聽政之始天下屬目之際所損 聖德不小臣已於今日二
十七日出門非敢求登對然臣始者本俟上殿欲少效愚忠
今來不敢以不得對之故便廢此言惟 陛下察臣誠心少
加采納古之聖人將有為也必先處晦而觀明處靜而觀動
則萬物之情畢陳于前不過數年自然知利害之真識邪正
之實然後應物而作故作無不成臣敢以小事譬之操舟者
常患不見水道之曲折而水濱之立觀者常見之何則操舟
者身寄於動而立觀者常靜故也奕碁者勝負之形雖國工
有所不盡而袖手旁觀者常盡之何則奕者有意於爭而旁
觀者無心故也若人主常靜而無心天下其孰能欺之漢景
帝即位之初首用晁錯更易法令黜削諸侯遂成七國之變

帝往來蕭宮間寒心者數月終身不敢復言兵武帝
未幾遂欲用兵鞭撻四夷兵連旣結三十餘年然後下哀痛詔
而宰相為富民侯臣以此知古者英睿之君勇於立事未有
不悔者也景帝之悔速故繼之而復安武帝之悔遲故幾至於
亂雖遲速安危小異然比之常靜無心終始不悔如孝文帝
者不可同年而語矣 陛下聖智絕人春秋鼎盛臣願虛
心循理一切未有所為默觀庶事之利害與羣臣之邪正以
三年為期俟得利害之真邪正之實然後應物而作使既作
之後天下無恨 陛下亦無悔上下同享太平之利則雖盡
南山之竹不足以紀聖功兼三宗之壽不足以報聖德由此
觀之 陛下之有為惟憂天蚤不患稍遲亦已明矣臣又聞

為政如用藥方今天下雖未大治實無大病古人云有病不治常得中醫雖未能盡除小疾然賢於誤服惡藥觀萬一之利而得不救之禍者遠矣臣恐急進好利之臣輒勸陛下輕有改變故輒進此說敢望陛下深信古語且守中醫安穩萬全之策勿為惡藥所誤實社稷宗廟之利天下幸甚臣不勝亡身憂國之心冒死進言元祐八年九月工時知定州朝辭

上 徽宗乞通下情防太察 江公望

臣聞人君明目達聰所以通下情也前後有疏左右有續所以防太察也太察則聞人之過下情不通則不見已過聞人之過則姦生而刑激不見已過則心塞而禍萌此周之厲王以

防口而召亡漢之顯宗以其 隱發為明而速亂也

與推求其意不過以求環搜 鈞致盜詐出於不備捕獲如

神此一酷京兆之俗才爾使京兆為之猶可差別以天下為

度海內為家而為京兆不為自平陛下即政之三日而

切罷去天下聞之翕然歸心謂一 張膽人人自安告訐不長

風俗向厚比聞稍稍復置蓋權 監通為七十人一人量以十

人為耳目十人之中一人又以十人為之散于通途求巷不

啻數千百人矣夫婦醜詆之言 深怨傳之語增情節狀隨

隱扶伏何所不至人人踴踏各 令疑慮親戚不敢誠朋友不

敢信目不敢注視手不敢直指 此定非清世之美事也昔

吳王孫權用呂壹董襲罪糾姦 幾介必聞深察醜惡排陷無

罪以作威福步隨力試其非權
緣銜命不務奉公利在邊藉威勢社絕人口公然作過使上
聰不達威柄潛移刑及無辜睽睽萬自由聞人之過不聞已
過之所致也老子曰察見淵魚者不祥以察為明是誠不祥之
召也 陛下豈不思畿甸之民非陛下之民乎人各有心
能使之昏昏不喻朝廷之所為乎人各有口能使之默然不
議 陛下政事乎既不可辨於天下何獨察察於輦轎之下
以為明哉語曰天下有道庶幾不議信乎有道不可得而議
也伏望 陛下以道御天下
通籍額人數一切罷去除攝
此而不能之乎願黜獻議之
因言以誅章輩孰謂陛下盡
通籍額人數一切罷去除攝

者以鋤其根植福者必封其
根尚在救葉他日復生矣不
不祭建中時為左司諫

國朝諸臣奏議錄甲集卷第

國朝諸臣奏議卷第九

君道門

慈孝上

上 英宗論謹始數字

司馬光

臣愚竊惟 先皇帝春秋未廿高以 宗廟社稷之重昭然
 遠覽赫然獨斷知 陛下仁孝聰明可守大業擢於宗族之
 中建為嗣子授以天下其恩德隆厚踰於天地固非微臣所
 能稱述今不幸奄弃萬國 陛下哀慕泣血以夜繼晝過於
 禮制以至成疾中外聞者無不感泣知 先皇帝能為天下
 得人治平之期企踵可待羣臣百姓不勝大幸今者 聖體
 痊平初臨大政四海之人拭目而視傾耳而聽舉措為不

圖書館, NATIONAL CENTRAL LIBRARY, TAIWAN, R.O.C.

可不謹易曰君子以作事謀始詩曰王乃初服嗚呼若生
子罔不在厥初生自貽哲命夫為政之要在於用人賞善罰
惡而已三者之得則遠近翕然嚮風從化可以不勞而成無
為而治三者之失則流聞四方莫不解體綱紀不立萬事舉
頽治亂之原安危之機盡在於是臣願 陛下難之謹之精
心審慮如射之有的必萬全取中然後可發也 陛下思命
先朝欲報之德奉事 皇太后孝謹撫諸公主慈愛此誠仁
孝之至過人遠甚臣願 陛下雖天性得之復加聖心夙夜
匪懈謹終如始以結億兆之心形四方之化則福祿流於
孫令問垂於無窮矣古者人立嗣位必禱年然後受之臣願
陛下 一循典禮勿有變更於中卒也三年之喪自天子達於
庶人一也自漢氏以來始從權制以日易月臣願 陛下
仰遵遺詔俯徇羣情二十七日而釋服至於宮禁之中音樂
遊燕吉慶之事皆俟三年期後復常以盡謹終遠之義為
禮為人後者為之子故為所後服斬衰三年而為其父母齊
衰不杖期為所後者之親皆如子而為己之親皆降一等蓋
以特重於大宗則宜降其小宗所以專志於所奉而不敢顧
私親也漢宣帝自以為昭帝後終不敢加尊號於衛太子史
皇孫光武起於布衣親冒矢石以得天下自以為元 亦
不敢加尊號於鉅鹿都尉南頓君此皆徇大義明至公嘗取
歸美後世頌聖至於哀安感靈或自旁親入繼大統皆追尊
其祖父此不足為孝而適足犯我侵禮取譏當時見非後世

臣願 陛下深以為鑑杜絕此議勿復聽也凡此數者伏計
陛下聰明皆素知之然臣復區區進言誠懼不幸有誦諛之
臣不識大體妄有開說自求容媚 陛下萬一誤加聽從聖
言一出布聞於外則足以傷 陛下之義虧海內之望臣雖
欲捐軀爭之亦無及已是以不敢不先事而言庶幾聖德
粹全美不有秋毫之缺使一夫竊議於草萊者臣之志也輕
冒 宸嚴不勝惘歎惶悸之至

嘉祐八年四月上時為
天章閣待制知諫院

上 英宗論兩宮當相持為安 司馬 光

臣聞天地交謂之泰天地不交謂之否天地者上下之象也
施諸人事君仁而臣忠父慈而子孝兄愛而弟恭皆泰也君
不仁而臣不忠父不慈而子不孝兄不愛而弟不恭皆否也泰則上

下之情通內外 國以之治家以之安否則上下之情

塞內外之志乖 亂家以之危治亂安危之分不在於

他在於審察否 端而已矣書曰立愛惟親立敬惟長始

于家邦終于四海 古聖王治天下之道未有不自孝慈始

者也恭惟 先帝屬籍之親凡數百人獨以天下之業傳於

聖明 皇太后承顧命之際鎮撫中外決定大策其恩德隆

厚踰於天地何可勝言 皇帝至性承烝烝哀以執喪恭以致

養夙夜憂勞以成疾疹其於慈孝之美可謂至矣然臣猶竊

有所懼不可不過慮於萬一先事而進言者臣聞金隄千里

潰於蟻壤白璧之瑕易離難合况社稷之重非特金隄也骨

肉之親非特白璧也在於守之至謹執之至固全美無間然

後福祿無疆也夫姦邪之人專闕主意苟有罅隙則因而乘之於是離間人君臣交關人父子使之上下相疾內外相疑然後得奮其詐謀以盜其大權私其重利自古以來喪國敗家未有不由此者也今雖 睿聖在上朝廷清明中外之臣咸懷忠良然禍福之原其來其微舉措聽納不可不謹臣愚竊惟今日之事 皇帝非 皇太后無以君天下 皇太后非 皇帝無以安天下 兩宮相恃猶頭目之與心腹也

皇帝聖體平寧之時奉事 皇太后承順顏色宜無不如禮若藥石未效而定省溫清有不能周備者亦 皇太后所宜容也孔子曰孝哉閔子騫人不問於其父母昆弟之言蓋言誠信純云表裏盡者明而他人不能間也孟子曰父子貴善哉

愚之大者也蓋言骨肉至親止當以恩意相厚未嘗較錙銖之是非也臣愚伏望 皇帝常思孔子之言 皇太后無忘

孟子之戒萬一姦人欲有間談涉於離間者當立行誅戮以明示天下使咸知護衛之徒不能欺惑聖明也方今天地鬼神羣靈百姓鳥獸草木皆恃 兩宮以為安若兩宮懼忻於上則天地鬼神得以敬其禮祀鳥獸草木得以遂其生息况羣臣百姓孰不願保首領以樂太平之化哉

嘉祐八年六月
上 慈聖皇后乞益加慈愛
司馬 光

臣聞聖人之德使四海之外編戶之民皆輻湊而歸之如孝子之奉父母其故何哉推仁愛惻怛之誠以加之也故詩云豈弟君子民之父母夫四海至遠也編戶至微也誠之至也

猶可以爲之父母况閨門之內血氣之親乎昔漢明帝馬皇后無子明帝使養賣貴人之子烜以爲太子且謂之曰人不必自生子但患愛養不至耳后於是盡心撫育勞悴過於所生及明帝死太子即位是爲章帝章帝亦孝性純篤恩性天至母子慈愛始終無纖介之間前史載之以爲美談臣恭惟仁宗皇帝憂繼嗣之立念宗廟之至重以皇帝仁孝聰明選擢於宗室之中使承大統不幸踐祚數日遽嬰疾疹雖殿下撫視之慈無所不至然醫工不精藥石未效竊聞曩日疾勢稍增舉措言語不能自擇左右之人一一上聞致殿下以此之故不能堪忍兩宮之間微相責望羣心憂駭不寒而慄今新奔四海皇帝久疾未平天下之勢

危於累卵惟恃兩宮和睦以自安如天覆而地載也豈可效常人之家爭語言細故使有絲毫之際以爲宗廟社稷之憂哉臣是用日夜焦心隕涕側足累息寧前死而盡言不敢幸生而塞嘿也伏以皇帝內則仁宗同堂兄之子外則殿下之外甥婿自童幼之歲殿下鞠育於宮中天下至親何以過此又仁宗立以爲皇子殿下豈可不以仁宗之故特加愛念包容其過失况皇帝在藩邸之時以至踐祚之初孝謹溫仁動由禮法此殿下所親見而明知也苟非疾疹亂其本性安得有此過失哉夫心者神明之主也若其有疾則精爽迷亂冥然無知言語動作不自省記不識親疎不擇貴賤此乃有疾者之常不足怪也殿下聰明養

睿天下之理無所不通豈可責有疾之人以無疾之禮耶今
殿下雖日多憂勞徒自困苦終何所益以臣愚見莫若精擇
醫工一二人以治 皇帝之疾旬月之間察其進退有效則
加之以重賞無效則威之以嚴刑未愈之間但宜深戒左右
謹於侍衛其舉措語言有不合常度者皆不得以聞庶幾不
增 殿下之憂憤 殿下唯寬釋聖慮和神養氣以安靖國
家綱紀海內俟天地垂祐聖躬痊復然後舉治平之業以授
之不亦美乎古之慈母有不孝之子猶能以至誠惻隱撫存
愛養使之內愧知非草心為善况 皇帝至孝之性稟之於
天一旦疾愈清明復初其所以報答盛德豈云細哉臣之愚
慮苦言盡此而已乞 殿下更賜裁擇

嘉祐八年十月
上時知諫院

上 英宗乞益致孝謹

司馬光

臣先於四月二十七日及六月二十三日皆曾上疏以
下受 仁宗皇帝之天下欲報之德當奉專 皇太后孝謹
撫諸公主慈愛勿使姦邪之人有所離間致 兩宮有隙以
貽宗廟之憂亦為羣生之禍叩心瀝膽極其懇惻未審臣
言得達 聖聽或萬幾之繁不嘗奏御也此乃成敗之端安
危之本不可不察臣聞漢章帝乃賈貴人之子明帝使明德
馬皇后母養之后盡心撫育勞悴過於所生章帝亦孝性淳
篤恩性天至母子慈愛始終無纖介之間馬氏三舅皆為卿
校列侯賈貴人終不加尊號賈氏親族無受寵榮者此前世
美事今日所當法也詩云父兮生我母兮鞠我拊我蓄我長

我育我顧我復我出入腹我欲報之德昊天罔極然則父母之恩不獨以其生己也抑蓄長育居其大半焉陛下自齠齔之年為皇太后所鞠育恩亦至矣又況今日為仁宗皇帝之嗣承四海之大業乎臣謂陛下宜夙興夜寐昏定晨省親奉甘旨承順顏色無異於事濮王與夫人之時也近者道路之言頗異於是紛紛籍籍深可駭愕臣竊惟陛下孝恭之性著於平昔豈容一旦遽肯變更蓋鄉者聖體未安之時舉動語言或有差失不能自省而外人訛傳妄為增飾必無事實雖然此等議論豈可使天下聞之也周書曰小人怨汝詈汝則皇自敬德古人有言曰禦寒莫如重裘御暑莫如自修陛下疾疹未平固無如之何若既愈之後

愚伏望

陛下親

皇太后

自責以謝前失温恭

朝夕侍養左右先意承志動無違禮使大孝之美純粹光顯過於未登大位之時如此則上下咸悅宗社永安今日道路妄傳之言何能為損也古之至孝者雖有不慈之母猶能使之感悟驩悅回心易慮况皇太后聖善之德著聞四方自陛下有疾以來日夜泣涕禱於神祇憂勞困悴以冀陛下之安寧如耕者之望以涉者之求濟陛下豈不思有以慰安之也臣不勝區區干冒以聞之留神采擇

上

英宗乞上奉慈闈以盡孝德

呂誨

臣聞置天下方平置養者蓋在君人者審乎安危之勢所以有守成之難有持盈之戒者正謂是矣我太祖太宗造

宋之艱難承五季之弊平諸夏以爲一援生靈於塗炭安寨
海於覆盂 眞宗以神武定二虜以文德浚萬方薦功高厚
著于金石 仁宗在宥四十二年循持憲度何嘗殺一不辜
失一有罪惠澤下流有生罪遂可謂仁信之至集百年之昌
期慕 四聖之丕緒矣而褒豫鄂王相繼不育天其意者以
陛下當其歷數錫之休命席乎成業有以恢隆萬世之基而
又知 先帝明哲拔 陛下於公族授之以震器 皇太后
鞠養聖躬保護成德一旦恭宣至凡之命謀先輔弼之辨
陛下安步中外慨然功德爲厚矣思德爲厚矣 陛下報之
之道如何哉然自踐祚三日之內親決數事至明燭理人
皆感下有至於治平之屬以聖侯奕和嬰仍于今竊聞所

未嘗服館大醫診脉而不取言病內臣依違而不
藥良以天威遠拂震懼靡遑日度一日殊不知誤天下之
矣且百金之子尚有倚衡之識而萬乘之貴殊無保邦之慮
耶矧又聞流議騰沸謂 陛下視朝之後燕適宮中言動無
節嘻笑不常執喪之禮未至奉親之道或闕以至晨昏省問
瞻絕者踰月虧損盛德莫大於此但外臣不知端倪果如是
乃 陛下重違天意不以繼承爲念忽 先帝顧託之命輕
萬乘崇高之體忘 聖母鞠育之恩違孝子承顏之道何以
上奉宗廟率教於天下也臣重思違豫而來已逾半歲萬幾
之事都無可否而賴 皇太后處內大臣盡心中外循常理
軍民無怨言直以累聖恩德浹人之深爾尚恐曠日持久人

心動搖變生於內將安寄處臣竊為陛下寒心也臣備員
諫列既有所聞痛心疾首敢復緘默以謂 聖帝明王好聞
已過忠臣孝子不隱其情是以懇懇切言不避諱忌伏望
宸聰循省既往不遠而復起居必謹言動必思上奉慈闈克
全孝德念 先帝付託之重審置器安危之勢知良藥可以
利病則勉勤服餌謂忠言可以利行則廣其開納流言自弭
休聲日至天下幸甚 嘉祐八年十一月
上時同知諫院

上 慈聖皇后乞調治聖躬建立儲副 呂 誨

臣竊以兩漢而後諸侯王入繼聖統者甚衆或以功或以賢
或以親或以黨四者之繼隆替之所係以功與親賢者何嘗
不興隆於寶緒繇黨無附而至者未有不基乎禍亂哀平威靈

之類是也千百載之下為之監戒今上坐而敏睿天資英哲
先帝知其曆數在躬又當近屬實以親而賢授之寶器及誕
告于外謹聲翕然 殿下以積勲之後配德 仁宗主宣陰
教天下蒙福上自潛德之初 殿下鞠育保護者三十年矣
先皇厭代宣導遺旨掌握機柄佐佑聖嗣克安天下求我帝
業丕功茂實固不待愚臣一二而談矣上違豫而來重煩聽
斷庶務允輯中外賴焉比聞流議喧傳上疾未間言或荒忽
承顏之禮時有所闕 殿下幾至不能容覆外臣罔測謂
之然矣臣竊慮小人乘間幸 兩宮如是陰為交鬪以生他
事 殿下察其素履知其有疾故當責忠臣之輔助擇太醫
之調理又聞上意自倦服藥以致醫工以無效驗然病者苦

其眩眩斯亦常情誠恐奉御之人但能備禮不敢強以服餌
積日之深其誤不細惟 殿下廣乎容納之度忘其情慢之
禮親閱湯劑力為調治強之以嚴威撫之以恩愛如此人神
和悅得不降祐上之起居必遂安適不然恩禮中闕慈孝兩
失人言不已其如天下何其如宗廟何其如 先帝何三十
年保育之功一朝而弃臣竊為 殿下惜之臣重思療治之
法即如是言萬世之計敢不為 殿下陳論漢馬皇后畢明
帝世克全美德以至鞠養章帝勞悴過於所生母子慈愛始
終無纖介之隙章帝終為賢聖之主其保助亦已明矣史冊
書美世遠益光臣伏願 殿下循修以為法度念 先帝之
顧託體聖躬之憂危宮中閭言不可不察方四海顛顛日

振治萬機取決不可持疑雖神宇暫勞而 宋祚安矣後
躬平和還居清淨無忙壽考豈不休哉况淮陽王及諸孫天
資淳篤宜均撫育以盡愛茲繼繼承承本根為重儲副之位
安可暫虛 殿下宜上承天意下順人心謀及輔臣助成君
德早議建立旁絕闕觀則廟社之福天下之幸 嘉祐八年十
月止時同

上 英宗乞奉養始終如禮

司馬 光

臣竊聞近日 陛下聖體甚安奉事 皇太后豈定晨省未
嘗廢闕非獨羣臣百姓之福乃宗廟社稷之福也 陛下既
為 仁宗皇帝之後 皇太后即 陛下之母也今濮王既
歿 陛下平生孝養未盡之心不施之於 皇太后將何所用

哉臣聞君子受人一節之恩猶不忍負之必思報答况皇
太后有莫大之德三 陛下豈可斯湏忘之 先帝立 陛
下為嗣 皇太后有居中之助一也及 先帝晏駕之夜
皇太后決定大策迎立聖明二也 陛下踐祚數日而得疾
不肖人事中外衆心惶惑失措 皇太后為 陛下攝理萬
幾鎮安中外以俟痊愈復三也有此一德者則 陛下子子孫
孫報之不盡况兼三德而有之 陛下所以奉養之禮若有
絲毫不備四海之人其謂 陛下為如何天地鬼神其謂
陛下為如何此不可以不留聖心也今 陛下已能奉養如
禮而臣復區區進言者誠欲 陛下戒之謹之始終無倦外
盡其恭內盡其愛使孝德日彰令聞四達以叶天下之望保
萬世之祿而已若萬一有無識小人以細小之事離間
下母子不顧國家傾覆之憂而欲自營一身之利者願陛
下付之有司明正其罪使天下曉然皆知 陛下聖明仁孝
不負大恩而讒佞不能間也 治平元年三月
上時知諫院

上 英宗乞謹奉養勤聽斷 司馬 光

臣累曾上言之 陛下加意奉養躬親萬幾言辭澁訥未蒙
采納臣竊惟當今切務無大於此是敢不避斧鉞重有敷陳
至於奉親之禮報德之義為君之職訪善之道臣邇來文字
敘述已詳不敢復煩 聖聽獨以目前利害言之 陛下誠
詳擇焉竊以 皇太后母也 陛下子也皇太后母儀天下
已三十年 陛下新自藩邸入承大統若萬一兩宮有隙

陛下以為誰逆誰順誰得誰失又 仁宗皇帝恩德在民藏於骨髓 陛下受其大業而無慙之則何以慰天下之望若 陛下上矣 皇太后之愛下矣百姓之望則雖有大寶之位將何以自安凡人主所以保國家者以有威福之柄也故民畏之如神明愛之如父母今 陛下即位將近暮年而朝廷政事除拜賞罰一切委之大臣未嘗詢訪事之本末察其是非有所與奪臣恐上下之人皆以為常威福之柄寔有所移則雖有四海之業將何以自固位則不安業則不固於陛下果何所利乎 陛下必以為為事 皇太后之禮止如是亦不失矣親萬幾之務 是亦無關矣臣竊以為不可不聞 陛下昔在藩邸事 陛下承順顏色備盡孝道凡宮中之

事漢王皆委 陛下幹之無不平允 陛下事 皇太后當一如漢王然後可視天下之政當一如宮中之事然後可况 漢王之親以恩 皇太后之親以義其奉養之謹非特有所加則無以取信 皇太后之事小天下之事大其斷之勤非特有所加則無以取信 皇太后之事小天下之事大其斷之勤非陛下仁孝之名流於萬世莫春之德達於四時無疆不妄子孫蒙福於 陛下有何所害而又不肯為哉凡此利害之明有如日黑取捨之易有如反掌 陛下今日回意易慮猶未為晚若固守所見終無變更臣恐日月寔久曩隙愈深不可復合威權已去不可復收後雖悔之或無及已臣受 國家累世大恩不敢愛死為 陛下極陳社稷之計肝膽所蓄盡

此而已伏望 陛下少留意察之

治平元年三月
上時知諫院

上

英宗之謹奉養勤聽斷

係第一狀

司馬

九

臣近以私懇求鄉便一州伏蒙 聖恩令宰臣宣諭以臣等
所言事略皆施行今臣且全諫院供職未得求出臣以爲下
之質生於盛明之世得備諫官爲幸已大况 陛下謙恭接
下容受直言此乃愚臣千載一遇畢命報國之秋豈願離去
左右自弃於踈遠之地誠以父母墳墓又不展省人子之心
皇皇不安所以有此陳乞今忽奉 聖旨宣諭如此臣惶恐
慚悚無地自容夙夜循省進退維谷臣竊惟鄉時所言欲
陛下以事濮王之禮事 皇太后又欲 陛下延訪羣臣躬
親政事今 陛下雖奉事 皇太后加於往日猶未及事

濮王之時承顏順意由盡歡心也雖省覽庶政猶未嘗訪問
羣臣講治亂之切務也 陛下若以二者爲止當如此則兩
宮之意無由和洽萬幾之務無由治辨禍亂之原尚在太平
之期尚遠臣雖日侍丹扆有何所益 陛下若奉養之禮日
增月益訪求治道勤勞不倦使 慈母歡忻於上百姓安樂
於下則臣雖在遠方猶在 陛下之側也臣聞爲人子者事
其親而親不悅不敢怨也 陛下若奉養之禮日增月益
矣而猶不悅則曰我之禮不恭歟禮恭矣猶不悅則曰我之
誠不盡歟誠既盡矣則大孝之名達於四海通於神明神明
且猶助之而况人乎臣又聞爲人君者視天下有一事不治
以爲已過有一民失所以爲已憂天下已安已治矣猶復思

將來之患而豫防之天下才庸無事也在人君思與不思而已矣思之則治安不思則亂危 陛下儻能以此二者自勉則臣安敢廢公家之急而徇私家之務乎

治平元年三月
上時知諫院

上 英宗乞親決政事而內盡子道 呂 誨

臣恭聞近日 聖體平復中外均慶然萬機之事未聞親決議者謂 陛下遜避有所待焉果如是恐未為順敢不為陛下委曲而陳之且以兩漢而下母后臨朝者眾皆嗣君冲幼親為輔翊並坐簾帷之下專其聽斷幼君既長有復辟之議今日之事有異於是 先帝拔 陛下於公族之中以賢且長付託之意正為今日也當 陛下違豫之時非 皇太后內輔則政無所寄大臣建策於國忠也然而 陛下臨朝

備前殿百官朝罷兩府大臣方至內東門是綱領柄也 陛下白未專決何所得也臣伏望 宸衷感悟 此為念唯內勤孝養率中宮盡禮則婦姑之情補接母子之愛益親躬修政務操守威福日與近臣講求治道事無兩難 禮斯為順自然 皇太后慰安恩意無間燕適深宮優游清 護念宮帑事係不從開政豈非 皇太后之心耶臣區區整手 是矣

治平元年三月
上時知諫院

國朝諸臣奏議卷第十

君道門

慈孝上

上 英宗乞講奏皇太后之禮

傳 袁俞

臣竊惟 皇太后有旨更不於內東門同聽朝政臣伏以
皇太后佐佑 先帝拔 陛下於藩邸有不得已遂權同機
務又清躬和豫舉神寶以歸之其始終恩德可勝道哉 陛
下天畀仁孝思所以報塞固無窮已雖然自去歲以來淺見
者妄意宮禁中事頗有浮議流於人間此睿聽所具悉者也
今 陛下於九重之內雖日極曹閔之志行以奉事 皇太

后天下安得遽聞臣謂宜順奉顏色既致其悃幅又取奉養
隆顯之禮可以使士民共知者速講而數為之自然 聖孝
之聲亟傳於四海如是則端拱無為長享天人之助矣至於
給事 皇太后之人向者既未得專力於 陛下苟見 皇
太后復辟慮其智識鄙短未能測乾坤之量不免有所疑畏
臣謂宜錄其勤勞少推恩例上足以慰母后慈憲之意下足
以安左右疑懼之心愚慮所及不敢不言惟 陛下矜其在
愚而特加收採則不勝幸甚 治平元年五月上時
為殿中侍御史裏行

上 英宗論治身莫先於孝治國莫先於公

司馬光

臣伏觀 皇太后手書已罪聽政 陛下欽承慈旨

幾臣聞易曰君子 作事謀始又曰正其始萬事理差之憂

整謬以千里 陛下 雖踐阼養年於國家大政猶多所謙抑

雖時有處分皆當 小事非天下所以望於 陛下者也鄉

時外間議者皆曰 陛下聖體不安倦於聽覽及知聖體已

安又曰 陛下上壽 皇太后之嚴欲盡人子之禮避尊命

之嫌韜蘊聰明未盡 設今 皇太后舉國家大柄盡付之

陛下則議者無復可 唯拭目傾耳以瞻望 聖政而已矣

陛下當此之際治身治 國舉措云為不可不謹昔楊朱見岐

塗而泣謂其可以左可 以右所差甚微所失甚大也人王即

政之初亦崇尊安危之 以塗也臣故願 陛下留聖心焉臣

聞治身莫先於孝治國 莫先於公孔子曰孝德之本也又曰